

Ժողովուրդ

95
(2761)

1 հուլիսի շաբաթ 2023
տպագրության ԺԲ տարի

Է. Երեւան, Արմվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԲԴԻՆ ԱՆԴԱՄՆԵՐԸ ԿԻՐԱՆԻ ՕՐԸ ՀԱՎԱՔՎԵԼՈՒ ԵՆ



«Ժողովուրդ» օրաթերթի տեղեկությունների հանաձայն՝ Բարձրագույն դատական խորհրդի անդամները կիրակի օրը հավաքվելու են՝ որոշելու 5 դատավորների ճակատագիրը: Բանն այն է, որ երկուշաբթի օրը ԲԴԻ-ն հրապարակելու է 5 դատավորների վերաբերյալ որոշում: Հիշեցնենք, որ ԲԴԻ-ն կարգապահական վարույթ է հարուցել դատավորներ Տիգրան Պետրոսյանի, Արտակ Բարսեղյանի, Աստղիկ Խառատյանի, Սամվել Թադևոսյանի և Դավիթ Հարությունյանի նկատմամբ: Դատելով իրավիճակից ու այս կարգապահականների քննությունների շուրջ բարձրացված ազմուկից՝ ԲԴԻ-ն, ըստ ամենայնի, 4 դատավորների՝ Աստղիկ Խառատյանի, Տիգրան Պետրոսյանի, Սամվել Թադևոսյանի, Արտակ Բարսեղյանի լիազորությունները կդադարեցնի, իսկ Դավիթ Հարությունյանի մասով այս պահի դրությամբ դեռ վերջնական որոշում չկա: Երկմտանքները նրա մասով շատ են: «Ժողովուրդ» օրաթերթը հեռավար կհետեւի, թե ինչ է կատարվում ԲԴԻ ղռնիակ նիստի շրջանակներում, և կներկայացնի մանրամասներ:

ՀՀ առողջապահության նախարար Անահիտ Ավանեսյանը 2022 թվականին 25 մլն դրամով Երեւանի Արաբկիր վարչական շրջանում բազմաբնակարան շենքի ոչ բնակելի տարածք է վաճառել: Վաճառքն իրականացվել է մարտի 1-ին, իսկ գնորդն էլ Մ. Սարգսյանն է: 2022 թվականի տարեվերջին նա ունեցել է պահպանված երկու անշարժ գույք, որոնցից մեկը 2005 թվականին գնված ամառանոցն է, որը գտնվում է Արագածոտնի մարզի Ղազարավանում: Մյուս անշարժ գույքն էլ բնակարան է Արաբկիր վարչական շրջանում, որը գնվել է 2014 թվականին, համատեղ սեփականությամբ: Նախարարն ունի նաև 2012 թվականի արտադրության Ford մակնիշի ավտոմեքենա, որը նա ձեռք է բերել 2015 թվականին: Տարեվերջին բանկային հաշիվների Ավանեսյանն ունեցել է 2 մլն դրամ և 73 եվրո գումար, իսկ, ահա, նրա կանխիկ դրամական միջոցները կազմել են 1 մլն 500 հազար դրամ: Մեկ տարվա ընթացքում առողջապահության նախարարի եկամուտը կազմել է 32 մլն 187 հազար դրամ, որից նախարարի աշխատավարձը կազմել է 20 մլն դրամ, իսկ 11 մլն 998 հազար դրամ էլ նա ստացել է «Արմվյան 39» ՍՊԸ-ից որպես շահաբաժին: Ծախսերի մասին ոչ մի տվյալ նրա հայտարարագրում առկա չէ: Նրա ամուսինը՝ Ստեփան Ավանեսյանը, ունի երեք հողամաս, երեքն էլ՝ Արաբկիրում և գնված 2007 թվականին: Նա բանկային հաշիվներին տարվա վերջում գումար չի ունեցել, իսկ կանխիկ գումարն էլ կազմել է 1 մլն 250 հազար դրամ և 4550 դոլար: Միայն 2021 թվականի տվյալներով՝ Անահիտ Ավանեսյանի ամուսնուն պատկանող «Արմֆարմացիա» ընկերությունը կնքել է 240 պայմանագիր՝ 44 պետական կառույցի հետ՝ ընդհանուր մոտ 606,7 մլն դրամ արժողությամբ, որի կեսից ավելին՝ 137 պայմանագիր՝ արդեն Ավանեսյանի՝ փոխնախարար Եղած ժամանակ: 209,5 մլն ՀՀ դրամի պայմանագրեր ունի տարբեր պետական կառույցների, այդ թվում՝ Առողջապահության նախարարության և նրա ենթակայության տակ գտնվող կառույցների հետ:




Տիգրան Խզմալյանի «Հայաստանի եվրոպական կուսակցությունը» փոխել է քաղաքապետի իր թեկնածուին: 2022թ.-ին Խզմալյանը մեծ ոգեւորությամբ հայտարարեց, որ Երեւանի քաղաքապետի ընտրություններում Հայաստանի եվրոպական կուսակցության թեկնածուն է երգիչ, երգահան Ռուբեն Հախվերդյանը: Խզմալյանն այդ ժամանակ բնորոշել էր Հախվերդյանին որպես «ազնիվ, անկեղծ, արդար: Սովորական հանճար: Իսկական երեսնացի: Իսկական քաղաքացի: Իսկական եվրոպացի: Ազգի սերունդ»:

«Ժողովուրդ» օրաթերթի տեղեկություններով՝ եվրոպական կուսակցությունը փոխել է քաղաքապետի իր թեկնածուին. այժմ նրանց թեկնածուն սոցիոլոգ Կարեն Սարգսյանն է: «Ժողովուրդ» օրաթերթը եվրոպական կուսակցության նախագահ Տիգրան Խզմալյանից հետաքրքրվեց՝ որն է սրա պատճառը, ինչի հետքեր են եղել Հախվերդյանի հետ, թե ինքն է հրաժարվել առաջադրվելուց: «Ռուբեն Հախվերդյանի թեկնածությունը մեր պատասխանն էր որոշ անհեթեթ թեկնածուներին: Դրանով մենք ուզում էինք հիշեցնել Երեւանի բացառիկ արժեքը և կարեւորությունը մեր երկրի, մշակույթի և արժանապատվության համար: Հետագայում մենք փորձեցինք ժողովրդավարական ուժերի դաշինք ստեղծել գաղափարապես նույն դաշտում գտնվող կուսակցությունների հետ: Քննարկումներից և բանակցություններից հետո ՀԵՎԿ-ի առաջարկն ընդունեց Հայաստանի հնագույն ժողովրդավարական կառույցը՝ «Սոցիալ-դեմոկրատ հնչակյան»-ը: Մեր երկու կուսակցությունների միասնական թեկնածու ընտրվեց Կարեն Սարգսյանը: Ռուբենը մտնում է մեր լավագույն ընկերը և համախոհը», -ասաց նա:



31 ուսումնասիրություն և 201 մշտադիտարկում կատարած ՀՀ պետական վերահսկողական ծառայության՝ 2022 թվականի պետական բյուջեով իրականացվող երեք միջոցառումների ծախսերը կազմել են 774 մլն դրամ: Իսկ որքանով է արդարացված այս կառույցի գոյությունն ընդհանրապես: Օրինակ՝ «Հայաստանի Հանրապետության վարչապետին սահմանադրությամբ և օրենքներով վերապահված վերահսկողական լիազորությունների իրականացման ապահովում» միջոցառման գծով պետական բյուջեից տրվել է 752 մլն դրամ: «Պետական վերահսկողական ծառայության տեխնիկական հագեցվածության բարելավում» միջոցառման գծով ծառայությանը հատկացվել է 16 մլն դրամ, ծախսը կազմել է 15,7 մլն դրամ, ապահովվել է 97,8 տոկոս կատարողական, ընդ որում՝ 2022 թվականին ՊՎԾ-ն հիմնականում ուսումնասիրություններ ու մշտադիտարկումներ է իրականացրել: Իսկ թե որքանք ինչ արդյունք են տվել, որքանով են բարձրացրել պետական կառավարման արդյունավետությունը, դժվար է ասել:



ԶՐՈՒՅՑ

«ԱՐՏ ԼԱՆՉ»-Ի ՄԵՓԱԿԱՆԱՏԵՐԸ՝ ԶԻՆՎՈՐՆԵՐԻ ԹՈՒՆՎՈՐՄԱՆ ՄԱՍԻՆ

«Ժողովուրդ» օրաթերթը գրուցել է «Արտ Լանչ» ընկերության համասեփակա-նասեր Բակուր Մելիքյանի հետ կաղ-ված ՊՆ-ին մասակարարվող սննդի հետ, որը, ըստ մեր ունեցած տեղեկու-թյունների, թունավորման դեղերի է հասցրել: Մենք փորձել ենք դարձել, թե ինչպես է ստացվում, որ ընկերությունն անորակ սնունդ է մասակարարում բա-նակին, որի հետևանքով նման շահն իրավիճակ է ստեղծվում:

-Պարոն Մելիքյան, մենք դժգոհու-թյուններ ենք ստանում հատկապես Պաշտպանության նախարարությունից: Նշվում է, որ եղել են դեպքեր, երբ զին-վորները թունավորվել են, առաջացել է փորլուծություն: Մենք նաև ունենք «Գրի-գոր Լուսավորիչ» ԲԿ-ում մատուցված սննդի հետեանքով թունավորման դեպք: Ի՞նչ կատեք այս մասին: Ինչո՞ւ մարդիկ, որ Ձեզ գումար են վճարում, կանգնում են նման խնդրի առջև:

-Ես բազմաթիվ անգամներ այս հարցի մասին խոսել եմ տարբեր տեղերում: Մեր հիմնական խնդիրն այն է, որ առանց հե-տաքննության ու փաստերի բարձրաձայ-նում ենք խնդիրներ:

Ես միշտ մի լավ օրինակ եմ բերում. երբ ես գտնվում էի Կանադայում ընկերջա հետ, ով էլի շատ լավ բիզնեսմեն է, իրար հետ հայաստանյան լուրերն էինք կար-դում եւ տեսանք, որ X կազմակերպու-թյան աշխատակիցը մարդու է ենթարկել վրաերթի: Սա երբ ես պատմում եմ, Հա-յաստանում որեւէ ռեակցիա չի առաջ բե-րում մարդկանց մոտ: Իմ համար էլ էր դա սովորական: Կարողացի, ուզում էի առաջ անցնել: Ընկերս այդ պահին հարցրեց, թե ինչ է կատարվում ասելով, որ տվյալ



լրատվամիջոցը եթե լիներ Կանադայում, կլուծարեին, որովհետեւ եթե պարզվի, որ տվյալ վարորդին տվյալ կազմակերպու-թյունը ընդունել է աշխատանքի առանց վարորդական իրավունքի կամ, օրինակ, աշխատանքի ժամանակ թողել են ալկո-հոլ օգտագործի, արդար է, որ գրվել է այդ մասին, բայց եթե ամեն ինչ օրենքի սահ-մաններում է, եւ այդ աշխատակիցը վրա-երթի է ենթարկել մեկ այլ մարդու, ո՞վ է պատասխանատու:

Զինվորների պարագայում պատկերն այսպիսին է: Բանակին սնունդ տալիս է 6 կազմակերպություն: Դրանցից մեկը «Արտ Լանչ»-ն է: Ցավոք սրտի, այս պարագայում եւս, առանց որեւէ փաստերի ստուգման, առաջ բերվեց մեր կազմակեր-

պության անունը: Ինչի՞ համար. որովհե-տեւ անունը շատ հայտնի է, եւ շատ հե-տաքննիչ կլինի կարգալը, որ դա հենց ինքն է արել կամ մեկ այլ հայտնի կազմա-կերպություն:

-Իսկ պարզաբանում ստացել էք, թե ին-չու են հենց «Արտ Լանչ»-ի անունը նշում:

-Պն-ի բոլոր փաստաթղթերում կան, թե ինչ սննդից է տեղի ունեցել թունավորու-մը: Ես ՊՆ-ի կողմից լիազորված չեմ հայ-տարարություններ անել: Կա կարգուկա-նոն, որից ելնելով մենք այժմ գտնվում ենք ամենախիստ ստուգման տակ թե՛ սննդի տեսչության եւ թե՛ այլ գերատեսչու-թյունների կողմից:

Զրուցեց ՄԱՐԻԱՍ ՂԱԶՈՒՅԱՆԸ



ՄԱՍՆԱԳԻՏԱԿԱՆ ԻՐԱՎՈՐՆԵՐԻ ՈՏՆԱՐԱՐՈՒՄ

Աժ մարդու իրավունքների պաշտ-պանության եւ հանրային հարցերի մշ-տական հանձնաժողովի նախագահ, անկուսակցական Թագուհի Թովմաս-յանը գրում է. «Հայաստանում մասնա-գիտական իրավունքները պաշտպան-ված չեն: Քննարկում ենք վերջին ժա-նակահատվածում Հայաստանում փաստաբանների նկատմամբ կիրառ-վող բռնության դեպքերի աճը:

Սա վկայում է, որ Հայաստանում դե-ռեւս մտահոգիչ է անձի ազատության, իրավաբանական օգնություն ստանա-լու եւ մասնագիտական գործունեու-թյամբ զբաղվելու՝ Սահմանադրու-թյամբ երաշխավորված իրավունքնե-րի իրականացումը:

Տեղի ունցածը արտառոց է ոչ միայն այն իմաստով, որ հանցավոր արարքը կատարում է իրավապահ գործառույթ իրականացնող անձը, այլ նաեւ այն, որ այդպիսի վարքագիծն ուղղված է նաեւ իրավապաշտպան գործառույթ իրա-կանացնող անձի նկատմամբ՝ իր մաս-նագիտական գործունեությունն իրա-կանացնելիս՝ փաստաբանին նույնա-կանցնելով իր վստահորդի հետ:

Այդպիսի վարքագիծը բացահայտ ոտնահարում է ՀՀ Սահմանադրու-թյունն ու օրենքները եւ խայտառակ հետընթաց արձանագրում մարդու իրավունքների պաշտպանության ոլորտում Հայաստանի Հանրապետու-թյան ստանձնած միջազգային պար-տավորությունների կատարման տե-սանկյունից»:

ՃԱՄՓՈՐԳՈՒԹՅՈՒՆՆԻ ՆՈՒՅՆԱԿԱՆԱՑՄԱՆ ԶԱՐՏԵՐՈՎ

ԱԳՆ խոսնակ Անի Բաղայանը տե-ղեկատվություն է հրապարակել՝ ի պատասխան ՀՀ նույնականացման քարտերով Վրաստան ճամփորդելու հնարավորության ժամկետի մասին հարցումների: «ՀՀ նույնականացման քարտերով (տվյալների էլեկտրոնային կրիչ պարունակող) Վրաստան ճամ-փորդել հնարավոր կլինի 2023թ. հուն-վարի 12-ին ստորագրված «Հայաս-տանի Հանրապետության եւ Վրաս-տանի միջեւ երկու պետությունների քաղաքացիների համար փոխադարձ առանց մուտքի արտոնագրի ճամփոր-դելու մասին» համաձայնագիրն ուժի մեջ մտնելուց հետո: 2023թ. հունիսի 26-ին ՀՀ Ազգային ժողովի կողմից ըն-դունվել է համաձայնագիրը վավերաց-նելու մասին օրենքը: Որպես հաջորդ քայլ՝ համաձայնագիրն ուժի մեջ մտ-նելու համար անհրաժեշտ է կողմերի միջեւ համապատասխան ամսաթվի հաստատում: Համաձայնագրի՝ ուժի մեջ մտնելու վերաբերյալ տեղեկատ-վությունը կհրապարակվի ԱԳՆ կող-մից՝ տեղադրվելով պաշտոնական հարթակներում», - նշված է հարդր-դագրությունում:

ԱՆԴՐԱԴԱՐՁ

ՏԱՐԱԾՔԱՅԻՆ ԱՄԲՈՂՋԱԿԱՆՈՒԹՅԱՆԸ ՄՊԱՌՆԱՑՈՂ ԽՆԴԻՐՆԵՐԸ


«Քանի Ալիե-Նիկոլ չարաբաստիկ գույ-զը կա, չեն լինելու խաղաղություն, Հա-յաստանի եւ Արցախի հանրապետություն-ների սահմանային ամբողջականություն, ինքնիշխանություն, կենսական ազգա-յին ռախ», - հայտարարություն է սարածել «Ժառանգություն» կուսակցության առաջնորդ, Հայաստանի ԱԳ առաջին նախարար Բաֆիի Հովհաննիսյանը:

Նա նաեւ նշել է. «Եվ դարձյալ արտա-հերթ ու ակամա մարտիրոսված մեր չորս ոսկե տղերքն էին Իլիամի եւ Նիկոլի պայ-մանավորված քաղաքականության թիրա-խում:

Անհուն կսկիծով կիսում եմ Արմոյի, Սամ-վելի, Երվանդի եւ Գագիկի ընտանիքների ու ծառայակից ընկերների անասելի վիշ-տը: Նրանց կենդանի հիշատակը մեզ՝ ժա-ռանգորդիներին, թող լույս-ճշմարտություն բերի, իմաստություն ու կամք, հատուցում եւ ողնաշարի ուղղում:

Քանի չարաբաստիկ գույզը կա, չեն լինե-լու խաղաղություն, Հայաստանի եւ Արցա-խի հանրապետությունների տարածքային ամբողջականություն, ինքնիշխանություն, կենսական ազգային շահ: Չեն լինելու սահմանադրական իրավունք ու տարրա-կան արժանապատվություն, ՄԱԿ-ում ծա-ծանվող պետական դրոշմի վայել տեղ ու դեր՝ այս տարածագոտում եւ աշխարհում:

Լինելու են լուր կրկնվող շարաններ զին-վորական եւ քաղաքացիական տեսական սպանությունների, հայրենի հողի գիջում-ների ու կրուսատների՝ դավադիր գործարք-ների կամ պարտադրված նախահարձա-



կումների, հայ մարդու ստորացման եւ հան-րության ամլացման: Լինելու են, վերջին հաշվով, Հայաստանի պետական կործա-նում եւ Արցախի ոչնչացում, իսկ լավագույն դիպաշարում՝ նրանց վերածում անկամ ու ենթակա, հաշմված ու խեղված, ոչ մեկին չվերաբերելի միավորների:

Իրենց Մուհամեդ էլ Քրիստոս երեսակա-յողները կամ առնվազն Նապոլեոն ու Ման-դելա, միգրացիոն Ռաբին ու Սադաթ, կա-րող են հոգեկանի աշխարհում խաղաղու-թյան հեղինակավոր միջանակներ ըղձալ, բայց իրենց չարիքի եւ հանցագործությու-նների համար Իլիամի ու Նիկոլի բուն ան-խուսափելի տեղը խստագույնս արդարա-դատության առյուծի առջեւ է՝ մեկը՝ մի-ջազգային, մյուսն՝ ազգային: Մեր հայրենի-քի, պետականության, ազգի ու ժողովրդի,

Հայաստանի, Արցախի ու Սփյուռքի, Արա-րատի ու Արագածի, մեր ողջ պատմության եւ ապագայի ցանկացած հնարավորու-թյան ճակատագիրը հենց այսօր դրված է զոհասեղանին:

Բացառիկ պայմանակարգով պիտի հե-տաձգենք անհատական եւ հատվածա-կան, մեծ ու փոքր, հին ու նոր շարժումնե-րի, հոսանքների կամ կուսակցությունների գերակայությունը եւ փոխարենը ազգովի, հասարակավ, քաղաքացիական հզոր ալի-քով, ապա եւ պետականորեն գնանք մեծ համախմբման, մեկ անգամ եւ վերջնակա-նապես լուծենք սերունդների ու հայկական քաղաքակրթության բազմադարյա պատ-մագրության թնջուկը՝ Հայոց մեծ հարցը:

Մեր օրերին կամ երբեք: Մենք կամ ոչ մեկ»:

ԻՐԱՎԻՃԱԿ

ԱՆՊՐԱՎՈՐ

ՊՐԻԳՈՇԻՆԻ ԽՌՈՎՈՒԹՅՈՒՆԸ՝ ԱՆԱԽՈՐԺՈՒԹՅՈՒՆ

ԱԽ ԵՒՍՏ



Վարչապետ Նիկոլ Փաշինյանի գլխավորությամբ տեղի է ունեցել Անվտանգության խորհրդի հերթական նիստը: Բացի ԱԽ անդամներից, նիստին մասնակցել են նաև Հանրապետության նախագահ Վահագն Խաչատրյանը, Ազգային ժողովի նախագահ Ալեն Սիմոնյանը և Պաշտպանության նախարարի տեղակալ Կարեն Բրուտյանը: Վարչապետի աշխատակազմից հայտնում են, որ քննարկվել են օրակարգային տարբեր հարցեր:

«ԷՄԱԼԵ ՀԱՎԵՐԺՈՒԹՅՈՒՆ»



Խորհրդարանում հունիսի 13-ին բացվել էր «Քաղաքացիական պայմանագիր» խմբակցության պատգամավոր Քրիստինե Պողոսյանի «Էմալե հավերժություն» խորագրով ցուցահանդեսը: Աժ դահլիճ մտնող հատվածում ցուցադրված են պատգամավորի ձեռքով նկարած էմալե գեղեցիկ նկարներ: Ի դեպ, վարչապետ Նիկոլ Փաշինյանն էլ անձամբ շրջայց էր կատարել Աժ-ում ուսումնասիրելով պատգամավորի նկարները: Աժ-ում հաճախ են նման ցուցահանդեսներ կազմակերպվում: Ուշագրավ է, որ այդ բոլոր դեպքերում ընդամենը 2-3 օր է տևում ցուցահանդեսը, այնինչ ՔՊ-ական պատգամավորի ձեռքի աշխատանքներն արդեն երեք շաբաթ է՝ ցուցադրված են Աժ-ում: Հիշեցնենք՝ Քրիստինե Պողոսյանի՝ «Էմալե հավերժություն» խորագիրը կրող ցուցահանդեսը նախորդ տարի տեղի էր ունեցել Նկարիչների միությունում:

«Ռուսաստանը դարձավ չէ որեիցե մեկին որեւէ բան բացատրել խռովության փորձի եւ երկում գործընթացների վրա դրա հնարավոր ազդեցության վերաբերյալ»,- լրագրողներին ասել է ՌԳ ԱԳ նախարար Սերգեյ Լավրովը. հաղորդում է «ՌԻԱ Նովոստին»:

«Գիտեք, մենք պարտավոր չենք որեիցե մեկին որեւէ բան բացատրել, ինչ-որ հավաստիացումներ տալ, մենք գործում ենք թափանցիկ, նախագահը խոսել է այս թեմայով, մեր երկրի բոլոր քաղաքական ուժերը խոսել են այս թեմայով: Եթե Արեւմուտքում որեւէ մեկն ինչ-որ կասկածներ ունի, դրանք ձեր խնդիրն են»,- ասուլիսում ասել է նախարարը՝ պատասխանելով արեւմտյան լրագրողի հարցին՝ կայուն է արդյոք Ռուսաստանում իրավիճակը՝ վերջերս կատարված խռովության փորձի ֆոնին:

«Ռուսաստանը միշտ ցանկացած անախորժությունից (իսկ սա այլ կերպ, քան անախորժություն, դժվար է անվանել) դուրս է եկել ավելի դիմացկուն, ավելի ուժեղ»,- հավելել է Լավրովը:

Հիշեցնենք, որ ռուս ձեռնարկատեր, «Կոնկորդ» ընկերությունների խմբի սեփականատեր, նախկին բանտարկյալ, «կրեմլյան խոհարար», նախագահի մտերիմ, մեղիա կայսրության հիմնադիր և Ռուսաստանի ամենահայտնի դեմքերից «Վազներ» ՊՄԿ-ի հիմնադիր, իսկ այժմ գինված ապստամբություն կազմակերպելու համար քրեական գործով մեղադրյալ Եվգենի Պրիգոժինը հունիսի 23-ին հանդես էր եկել տարբեր հայտարարություններով՝ մեղադրելով ՊՆ նախարարին նախագահին խաբելու մեջ, ասելով, որ քննչական կոմիտեում հաղորդում է ներկայացրել նրա եւ գլխավոր շտաբի պետի դեմ:

Արդեն երեկոյան ՄԴԿ «Վազներ»-ի ղեկավարը հայտարարեց, որ կառույցի ճամբարներին հրթիռային հարվածներ են հասցվել, եւ իրենք ունեն շատ զոհեր: Նա հարձակման մեջ մեղադրեց ՌԴ ՊՆ-ին եւ ասաց, որ իրենք 25,000 զինվորներով գալիս են «վերականգնելու արդարությունը»: ՌԴ ՊՆ-ն հերքեց հարձակման մեղադրանքները, իսկ Անվտանգության դաշնա-



յին ծառայությունը քրեական գործ հարուցեց գինված խռովության կոչ անելու փաստի առթիվ:

Ավելի ուշ Պրիգոժինը հայտարարեց, որ ընդունում է Բելառուսի նախագահի առաջարկը Ռուսաստանի տարածքում «Վազների» շարժը դադարեցնելու եւ դեէսկալացիայի հետագա քայլերի վերաբերյալ:

Դրանից հետո ՌԴ նախագահի մամուլի քարտուղար Դմիտրի Պեսկովը հայտնեց, որ «Վազների» ղեկավարը կմեկնի Բելառուս, իսկ քրեական գործը կկարճվի:

Ավելի ուշ Պրիգոժինը հայտարարեց, որ ընդունում է Բելառուսի նախագահի առաջարկը Ռուսաստանի տարածքում «Վազների» շարժը դադարեցնելու եւ դեէսկալացիայի հետագա քայլերի վերաբերյալ:

Դրանից հետո ՌԴ նախագահի մամուլի քարտուղար Դմիտրի Պեսկովը հայտնեց, որ «Վազների» ղեկավարը կմեկնի Բելառուս, իսկ քրեական գործը կկարճվի:

Չնայած այս պայմանավորվածությանը՝ «Կոմերսանտը», վկայակոչելով իր աղբ-

յուրներին, հայտնեց, որ հետաքննությունը դեռ շարունակվում է, Ռուսաստանի անվտանգության դաշնային ծառայության քննչական վարչությունը զբաղվում է գինված ապստամբություն կազմակերպելու վերաբերյալ քրեական գործով:

Ռուսաստանում «Վազների» գինված ապստամբության փորձից հետո առաջին անգամ Ռուսաստանի պաշտպանության նախարար Սերգեյ Շոյգուն հայտնվեց տեսախցիկների առջեւ: Նա աշխատանքային այց կատարեց ռազմական գործողությունների գոտում կռվող Արեւմտյան զորքերի խմբավորման կառավարման կետերից մեկը՝ ստուգելով ռուսական ուժերի պատրաստվածության մակարդակը:

Շոյգուն հանձնարարել էր շարունակել հետախուզական գործողությունները՝ բացահայտելու հակառակորդի ծրագրերը, ինչպես նաև աջակցել պատերազմում ներգրավված զորքերին եւ պայմաններ ստեղծել նրանց անվտանգ տեղակայման համար:

ՕՐԿԱ ԽՃԱՆԿԱՐ

ՆՈՐ ՏՈՒԳԱՆՔՆԵՐ

Իրավական ակտերի նախագծերի հրապարակման միասնական կայքում տեղադրված նախագծով առաջարկվում է կանոնակարգել ձմերուկի եւ սեխի վաճառքը:

«Ամենտրի եւ ծառայությունների մասին» օրենքում լրացում եւ փոփոխություն կատարելու մասին» օրենքի նախագծի ընդունմամբ կարգելի ձմերուկը եւ սեխը վաճառել կտրած կամ մասերի բաժանված: Նախագիծը մշակվել է ՀՀ էկոնոմիկայի նախարարության կողմից:

Ըստ նախագծի հիմնավորման՝ նման որոշման ընդունման անհրաժեշտությունը պայմանավորված է այն հանգամանքով, որ ներկայումս ձմերուկի եւ սեխի հասունությունը ցուցադրելու նպատակով լայն տարածում է գտել վերջինիս մասերով կամ կտրված վաճառքը, ինչի արդյունքում կտրված մասում միջուկի հաստության մեջ կարող է ներթափանցել միկրոօրգանիզմներ, այդ թվում՝ պայմանական ախտածիններ, որոնք ընդունակ են առաջացնել տարբեր վարակիչ հիվանդություններ եւ պատճառ հանդիսանալ սննդային թունավորումների:

ԿԱՆԱԳԱՅԻՆԵՐԸ՝ ՄԻՋԱՆՅՔԸ ԲԱՅԵԼՈՒ ԿՈՉՈՎ

Կանադա-Արցախ պատգամավորական բարեկամության խմբի համանախագահներ, կանադացի սենատորներ Ռեյչել Թոմասը եւ Լեո Յուսասնոսը հայտարարություն են հրապարակել՝ կապված Ադրբեջանի կողմից Լաչինի միջանցքի շրջափակման 200-րդ օրվա հետ:

«Դեկտեմբերի 12-ից արդրեջանական ուժերը շրջափակել են Լաչինի միջանցքը՝ Ղարաբաղը Հայաստանի հետ կապող միակ ճանապարհը: Շրջափակումն առաջացրել է լուրջ մարդասիրական հետեւանքներ: 2020-ից հետո Ադրբեջանի շարունակվող ագրեսիայի պատճառով Լեռնային Ղարաբաղի 120 հազար բնակիչ հայտնվել է ճգնաժամի մեջ: Սննդի սուր պակասը, վառելիքի, էլեկտրաէներգիայի, ջրի մատակարարումների խափանումները արտաքին աշխարհի հետ կապի խզման հետ ավելի են խորացրել ճգնաժամը:

Շարունակվող շրջափակումը խոչընդոտում է բանակցությունների անցկացումը: Մենք կոչ ենք անում խաղաղ ճանապար-

հով վերջ տալ Լեռնային Ղարաբաղի շրջափակմանն ու անմիջապես բացել Լաչինի միջանցքը»,-ասված է հայտարարության մեջ:

ՀՈՒՇԱԳԻՐ՝ ԳԱՏԱԽԱԶՈՒԹՅՈՒՆՆԵՐԻ ՄԻՋԵՎ

Հայաստանի Հանրապետության գլխավոր դատախազ Աննա Վարդապետյանն ընդունել է Հայաստանի Ժամանակակից Հանրապետության գերագույն վճռաբեկ դատարանի գլխավոր դատախազ Լուիջի Սալվատորի գլխավորած պատվիրակությանը: ՀՀ գլխավոր դատախազն ընդգծել է, որ Հայաստանը մշտապես կարելու է Իտալիայի հետ համագործակցության եւ հարաբերությունների խորացումը՝ հիմնված երկու ժողովուրդների միջեւ երկարատե բարեկամության վրա: Աննա Վարդապետյանը շնորհակալություն է հայտնել իտալացի գործընկերոջը հրավերն ընդունելու եւ փոխըմբռնման հուշագիր ստորագրելու պատրաստակամության համար:

ԹՄՐԱՆՅՈՒԹ

ԿՈԿԱՅԻՆ՝ ԲՐԱԶԻԼԻԱՅԻՑ ՂԱՅԱՍՏԱՆ


Օրերս ՀՀ ՊԵԿ մաքսանենգության դեմ ռայթարի վարչության «Չվարթնոց» բաժնի աշխատակիցները ստացված օդերասիվ սեղեկություններն իրացնելիս Արեւմտյան մաքսատն-վարչության ուղեւորների մաքսային հսկողության բաժնի աշխատակիցների հետ համատեղ բացահայտել են քուրամիչոցների մաքսանենգության հերթական խոռոհները:

Ինչպես «Ժողովուրդ» օրաթերթին հայտնում են ՀՀ պետական եկամուտների կոմիտեի տարածած հաղորդագրությունից, օպերատիվ տեղեկություն է ստացվել այն մասին, որ, հնարավոր է, Սան-Պաուլո-Փարիզ-Երեւան ավիաչվերթով Բրազիլիայի Դաշնային Հանրապետությունից Հայաստանի Հանրապետություն ժամանող ուղեւորներից մեկը Կոկային տեսակի թմրամիջոց է տեղափոխում:

«Արմենիա» միջազգային օդանավակայաններ» ՓԲ ընկերության «Չվարթնոց» օդանավակայանի ուղեւորային համալիրի մաքսային հսկողության գոտում անձնական մաքսային զննման է ենթարկվել Հայաստան ժամանած Բրազիլիայի քաղաքացի Լ.Պ.-ն:

Ունենալով կասկածներ, որ քաղաքացին հնարավոր է մարմնում թաքցնում է թմրամիջոցներ, վերջինս ենթարկվել է տեսազննության: Նրա մարմնում նկատվել են օտար մարմիններ, որոնք դուրս բերելու նպատակով ՀՀ ՊԵԿ Արեւմտյան մաքսատն-վարչության եւ ՄԴՊ վարչության աշխատակիցների կողմից Բրազիլիայի քաղաքացին օդանավակայանից տեղափոխվել է բժշկական կենտրոն:

Բժշկական կենտրոնում իրականացված համակարգչային շերտագրման՝ սկանավորման արդյունքում պարզվել է, որ նրա հաստ աղիքի հատվածում առկա են զնդածե օտար մարմիններ, որոնք վերջինիս մարմնից դուրս են բերվել բժշկական տարբեր միջամտությունների արդյունքում: Հայտնաբերվել է Կոկային տեսակի թմրամիջոցին նմանվող 120 հատ օվալաձե պարկուճ, այդ զանգվածների ընդհանուր քաշը կազմել է 1216 գրամ: Հայտնաբերված թմրամիջոցի շուկայական արժեքը գերազանցել է 300 հազար ԱՄՆ դոլարը:



Փաստի առթիվ ՊԵԿ մաքսանենգության դեմ պայքարի վարչության աշխատակիցների կողմից կազմվել է մաքսանենգության դեպքի վերաբերյալ արձանագրություն՝ ՀՀ քրեական օրենսգրքի 399-րդ հոդվածի հատկանիշներով, եւ հայտնաբերված թմրամիջոցի զանգվածների հետ միասին տրամադրվել է Քննչական կոմիտեի տնտեսական հանցագործությունների եւ մաքսանենգությունների քննության գլխավոր վարչություն, որտեղ նախաձեռնվել է քրեական վարույթ: Բրազիլիայի քաղաքացին ձերբակալվել է, այնուհետեւ՝ կալանավորվել:

Մաքսանենգության դեմ պայքարի վարչության աշխատակիցների կողմից շարունակվում է օպերատիվ-հետախուզական միջոցառումների անցկացումը գործի հետ առնչություն ունեցող հնարավոր այլ անձանց շրջանակը պարզելու նպատակով: Ծանուցում. ենթադրյալ հանցանքի մեջ կասկածվողը կամ մեղադրվողը համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ՎԱՐՈՒՅԹ

ԽՆԴԻՐՆԵՐ՝ ԱՌՈՂՋՈՒԹՅԱՆ ԿԵՆՏՐՈՆՈՒՄ

Մարդու իրավունքների պաշտպանի՝ «Ակադեմիկոս Ա. Հայրիյանի անվան Արմաշի առողջության կենտրոն»-ում արձանագրած խնդիրների հիման վրա՝ ՀՀ առողջապահության եւ աշխատանքի տեսչական մարմնի կողմից հարուցվել է վարչական վարույթ:

ՄԻՊ-ից «Ժողովուրդ» օրաթերթին հայտնում են, որ խոսքը վերաբերում է մասնավորապես Պաշտպանի աշխատակազմի կանխարգելման ազգային մեխանիզմի ստորաբաժանման աշխատակիցների եւ փորձագետների կողմից ապրիլի 20-ին չհայտարարված այցի ընթացքում արձանագրված խնդիրներին՝ անձանց պահման պայմաններին, նրանց իրավունքների ապահովման վիճակին, բժշկական օգնության եւ սպասարկման հարցերին եւ այլն:

Տեսչական մարմնի բժշկական օգնության եւ սպասարկման վերահսկողության, դեղերի շրջանառության վերահսկողության, հիգիենիկ եւ սանիտարահիգիենիկ վերահսկողության բաժինների մասնագիտական խմբի կողմից իրականացված ուսումնասիրությունների արդյունքում Մարդու իրավունքների պաշտպանի արձանագրած խնդիրները վերահաստատվել են, եւ դրանք վերացնելու համար տրվել են համապատասխան կարգադրություններ:

Պաշտպանի կողմից «Ակադեմիկոս Ա. Հայրիյանի անվան Արմաշի առողջության կենտրոն»-ում վեր հանված խնդիրների կարգավորման, հոգեկան առողջության խնդիրներ ունեցող անձանց կենսապայմանների, նրանց իրավունքների ու ազատությունների վիճակի բարելավման նպատակով Առողջապահության նախարարությունը համապատասխան առաջարկներ է ուղարկել Արարատի մարզպետարան:

Հիշեցնենք, որ Մարդու իրավունքների պաշտպանի աշխատակազմի կանխարգելման ազգային մեխանիզմի ստորաբաժանման աշխատակիցների եւ փորձագետների կողմից «Ակադեմիկոս Ա. Հայրիյանի անվան Արմաշի առողջության կենտրոն» ՓԲԸ չհայտարարված այցի արդյունքները ամփոփվել են, լուծման առաջարկների հետ մեկտեղ ներկայացվել Առողջապահության նախարարություն եւ ոլորտի իրավասու այլ մարմիններ:

Մարդու իրավունքների պաշտպանը կարեւորում է այս ոլորտում պատկան գերատեսչությունների հետ ձեւավորված արդյունավետ համագործակցությունը, որի արդյունքում Պաշտպանի կողմից վեր հանված մի շարք խնդիրներ արագ արձագանքման արդյունքում ստանում են համապատասխան լուծում:

Մարդու իրավունքների պաշտպանը հետեւողական է լինելու արձանագրված խնդիրների լուծման հարցում:

ՈՒՇԱԳՐԱԿ

ԱՌԵՐԵՍ ՀԱՐՑԱԸՆԵՆՈՒԹՅՈՒՆ

Փաստաբան Հրանտ Անանյանը, «Ժողովուրդ» օրաթերթի հետ զրույցում անդրադառնալով փաստաբանների՝ Էրեբունու բաժնի միջադեպին, հայտնեց. «Հերթական գավեշտը փաստաբանների նկատմամբ՝ ոստիկանության Էրեբունու բաժնում կիրառված բռնության գործով:

Ստացվում է այնպես, որ այսօր կատարված առերես հարցաքննության ընթացքում հանցագործության մասին գեկուցագիր ներկայացրած ոստիկանը հրաժարվել է ցուցմունքներ տալ գեկուցագրով նկարագրված այլ անձի վերաբերյալ, այսինքն՝ նրան ուղղված հարցերը նրա դեմ ուղղված չեն եղել եւ ողջամտորեն նրա դեմ չէին կարող օգտագործվել:

Տուժող ճանաչված փաստաբանների ներկայացուցիչ Հրանտ Անանյանի կողմից ներկայացվել է հաղորդում հանցագործության մասին՝ ՀՀ քրեական օրենսգրքի 503 հոդվածով քրեական վարույթ նախաձեռնելու եւ վկայի կարգավիճակով հարցաքննվող ոստիկանի կողմից ցուցմունք տալուց հրաժարվելու, վերջինիս քրեական պատասխանատվության ենթարկելու մասին: Տեսնենք՝ օբյեկտիվ կգտնվի ՀՀ քննչական կոմիտեն, թե անգործություն կցուցաբերի ոստիկանի նման վարքագծին»:

ՎԻՃԱԿԸ ՎԱՏ Է ԵՂԵԼ

«Ժողովուրդ» օրաթերթին հասած տեղեկությունների համաձայն՝ ՊՆ նախկին փոխնախարար Ալիկ Միրզաբեկյանը Հակակոռուպցիոն դատարանում այն վիճակում է եղել, որ չէին կարողացել նրան հարց տալ: Ասել է թե՛ Դավիթ Տոնոյանի գործով վկան ներկայացել է դատարան,

բայց, առողջական վիճակից ելնելով, նրան հարցեր չէին կարողացել տալ:

Հիշեցնենք, որ «Ժողովուրդ» օրաթերթը գրել էր՝ պաշտպանության նախկին նախարար Դավիթ Տոնոյանի եւ ՊՆ նախկին պաշտոնյաների քրեական գործով դատարան են կանչվել Սեյրան Օհանյանը եւ ՊՆ որոշ աշխատակիցներ: Սեյրան Օհանյանը ներկայացել է եւ հարցաքննվել, ՊՆ աշխատակիցների հարցաքննությունը շարունակվում է: Հավելենք, որ Ալիկ Միրզաբեկյանը 2016 թվականին, Սերժ Սարգսյանի հրամանով, ազատվել էր ՀՀ պաշտպանության նախարարի տեղակալ-նյութատեխնիկատի պաշտոնից: Ըստ լուրերի՝ Միրզաբեկյանը սպառազինության եւ սննդամթերքի մատակարարման գնումները շուկայականից բարձր գներով էր իրականացրել:

Նյութերը՝ ՔՆԱՐ ՄԱՆՈՒԿՅԱՆԻ

● Ըստ ոստիկանության տվյալների՝ հունիսի 29-ից 30-ը Հայաստանի Հանրապետությունում բացահայտվել է հանցագործության 69 դեպք, որոնցից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՇՐՋԱՓԱԿՎԱԾ ԱՐՑԱԽՆ ՈՒ 46-ՄԵՏՐԱՆՈՑ ԲՐԳՈՒՋԸ

Հունիսի 24-ին ավանդական դարձած «ՀայԲույս» փառատունը...

ԲՈՒՆԵՎԻԿ ԳԱՎԹՅԱՆԻ ԱՃՅՈՒՆԸ՝ ՄԱՐԻԳՅՈՒՂՈՒՄ

Հունիսի 28-ին Տավուշի մարզի Իջեան համայնքի սահմանամերձ Սարիգյուղ բնակավայրում...

ՈՍՎԻՍ ՄԱՐԳԱՅԱՆ Տավուշ

ԶԲՈՍԱՇՐՋՈՒԹՅՈՒՆ

ՀՈՍՔԸ ԳԵՊԻ ԶԵՐՄՈՒԿ ՄԵԾԱՑԵԼ Է

«Ժողովուրդ» օրաթերթը խոսել է Ջերմուկի համայնքապետ Վահագն Արսենյանի հետ...

-Պարոն Արսենյան, կներկայացնե՞ք ինչ իրավիճակ է այս պահին Ջերմուկում...

-Կարող եմ ասել՝ Ջերմուկում այս պահին իրավիճակը դեպի լավն է գնում...

-Իսկ հա՞յ այցելուներն են շատ, թե՛ տուրիստները:

-Այցելուները հիմնականում ռուսներն են...

-Հայերի շրջանում դեռ կա՞յլ վախ:

-Այո, բայց ասեմ, որ սեպտեմբերի 13-ից հետո մի կրակոց Ջերմուկում չի եղել:

-Սեպտեմբերի 13-ից հետո վերականգնել էք Ջերմուկը, օրինակ՝ ճակատային վնասվել էր...

-Ճակատային վերականգնելու համար կառավարությունը գումար էր հատկացրել...

-Պարոն Արսենյան, սեպտեմբերի 13-ի գործողությունների ժամանակ մեծ վնաս էր կրել «Ջերմուկ աշխարհ»



առողջարանը. ի՞նչ աշխատանքներ են տարվում այն վերանորոգելու ուղղությամբ:

-Գումար տրամադրել ենք, նաեւ ես իմ անձնական միջոցներով էլ եմ օգնել:

-Կարելի՞ է եզրակացնել, որ այս իրավիճակը գոհացնող է:

-Իհարկե, առողջարաններում իրավիճակը գոհացնող է, բայց փոքր հյուրա-

նոցներում մի փոքր պասիվություն կա, ինչը երեւի կուղղվի՝ հուլիսից սկսած...

ՀՄՍՍ ՄԻՔԱՅԵԼՅԱՆ

ՀԱՅՏԱՐԱՐԱԳԻՐ

ՉԱՐՉՅԱՆԻ ՈՒ ԿՆՈՋ ՈՒՆԵՑՎԱԾՔԸ

Հայաստանի Հանրապետության Ազգային ժողովի «Հայաստան» խմբակցության ղազազամավոր Արմեն Չարչյանը...

2008 թվականի արտադրության, որը ձեռք է բերվել 2020 թվականի դեկտեմբերի 29-ին:

Չորս միլիոն դրամից կամ դրան համարժեք արտադրությանը ավելի արժեք ունեցող 5 գույք է հայտարարագրել Չարչյանը՝ 49 հազար դոլար եւ 8 մլն 500 հազար դրամ արժողությամբ:

Պատգամավորի բանկային հաշիվների մնացորդներ կազմել է 15 մլն 217 հազար դրամ եւ 9759 դոլար, իսկ նրա կանխիկ դրամական միջոցները կազմել է 31 մլն դրամ, 48 հազար եվրո եւ 60 հազար դոլար:

Նշենք նաեւ, որ պատգամավորը ոչ մի ծախս չի հայտարարագրել: Նրա կինը՝ Մելանյա Հովհաննիսյանը, հայտարարագրել է 8 անշարժ գույք, որից 4՝ բնակարան էրեւանում...

ՀՄՍՍ ՄԻՔԱՅԵԼՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է 15 ՃՏՊ. 1 մարդ զոհվել է, 16-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՆՐՈՒԹՅՈՒՆ

ԶԻՆՎՈՐԱԿԱՆ ԹՈՇԱԿՆԵՐԸ ԿՓՈՒՎԵՆ

Աշխատանքի եւ սոցիալական հարցերի նախարարության կենսաթոշակային ապահովության եւ այլ դրամական վճարների վարչության պետ Անահիտ Գալստյանն ասուլիսի ժամանակ ներկայացրեց զինվորական կենսաթոշակների պարագայում սպասվող փոփոխությունները:

Նրա խոսքով՝ այս պարագայում չի փոփոխվում հիմնական կենսաթոշակը:

«Հիշեցնեն, որ մենք հիմնական կենսաթոշակը սեպտեմբերին 18 հազար դրամից բարձրացրել ենք արդեն 20 հազար դրամի: Այս փոփոխությամբ կավելանա զինվորական ծառայության մեկ տարվա արժեքը: Այսօր մեկ տարվա արժեքը 1600 դրամ է, հուլիսի 1-ից արժեքը կլինի 1750 դրամ, այսինքն՝ 150 դրամով կբարձրանա: Շատ է, թե՛ քիչ? Եթե հաշվի առնենք, որ զինվորական կենսաթոշակի իրավունք տվող ստաժը նվազագույնը 20 տարի է, ստացվում է, որ 20 տարվա զինվորական ստաժով զինվորական կենսաթոշակները կավելանան նվազագույնը 3000 դրամով:

Հաջորդիվ նա մանրամասնեց պարտադիր զինվորական ծառայության հաշմանդամության կենսաթոշակների չափերը, որոնք սահմանում է Կառավարությունը:

«Պարտադիր զինվորական ծառայողները չունեն պայմանագրային զինծառայության ստաժ: Պարտադիր ժամկետային զինվորական ծառայության շարքային կազմի զինծառայողների հաշմանդամության խումբը ավելանում է առաջին խումբը կամ ֆունկցիոնալության խորը աստիճանի սահմանափակման դեպքում կենսաթոշակը 46 հազար դրամից կդառնա 50 հազար 600 դրամ, ֆունկցիոնալության ծանր աստիճանի սահմանափակման դեպքում 36 հազար դրամը կդառնա 41 հազար 400 դրամ, այսինքն՝ կավելանա 5400 դրամով, ֆունկցիոնալության միջին աստիճանի սահմանափակման դեպքում կենսաթոշակի չափը 33 հազարից կդառնա 38 հազար դրամ», - ասաց նա:

ԱՐԱՋԱՆԳԻ ԹԱՏԻՐՈՆԻՑ

Հունիսի 29-ի երեկոյան ճգնաժամային կառավարման ազգային կենտրոնի ահազանգ էր ստացվել, որ Երեւանի Սայաթ-Նովայի պողոտայի 3. Թունանյանի անվան տիկնիկային թատրոնի շենքի տանիքի երկաթյա թիթեղը թուլացել է կախվել է, առկա է ընկնելու վտանգ:

«Ժողովուրդ» օրաթերթը կապ հաստատեց Տիկնիկային թատրոնի հետ՝ ճշտելու դեպքի մանրամասները:

Թատրոնի գեղարվեստական ղեկավար Ռուբեն Բաբայանը մեզ հետ զրույցում բացատրեց. «Չեանկերպման մեջ սխալ կա: Տանիքը կապ չունի թատրոնի հետ: Մենք ընդամենը գտնվում ենք բարձրահարկ շենքի առաջին եւ երկրորդ հարկերում: Մեզնից վերեւ էլի հարկեր կան»:

Նշենք, որ ահազանգից հետո դեպքի վայր է մեկնել ՆԳՆ ՓՃ փրկարարական ուժերի վարչության հատուկ նշանակության փրկարարական աշխատանքների իրականացման կենտրոնի փրկարարական խումբը:

Փրկարարներն ապամոնտաժել են շենքի տանիքի փայտե կառուցատարերը եւ թիթեղները (մոտ 10 քմ):

ՄԱՐԻԱՍ ՂԱԶԱՐՅԱՆ

«ԱՄԵՐԻԱԲԱՆԿ»

ԱՐՇԱՎ՝ ՆՈՐ ՀԱՃԱԽՈՐԴՆԵՐԻ ՀԱՄԱՐ

«Ամերիաբանկ»-ը մեկնարկել է «Գարձի՛ր հաճախող օնլայն» արժավորյալը այն անձանց համար, որոնք առաջին անգամ կդառնան «Ամերիաբանկ»-ի հաճախող՝ բացելով օնլայն հաշիվ: Արժավորյալը նախատեսված է խախտման մարդկանց բանկային ծառայություններից օգտվել օնլայն եղանակով՝ խնայելով ժամանակ եւ ֆինանսական միջոցներ:

Մինչեւ հուլիսի 21-ը ներառյալ, արժավորյալի շրջանակում բացելով օնլայն հաշիվ Հայաստանի ցանկացած կետից, հնարավոր է ընդունել ընթացքում դառնալ «Ամերիաբանկ»-ի հաճախող եւ, որպես «բարի գալուստ», ստանալ 1,500,000 դրամ արժողությամբ տուրիստական փաթեթի, կահույքի եւ տեխնիկայի 10 նվեր քարտերի գովազդային վիճակահանությանը մասնակցելու հնարավորություն:

«Ամերիաբանկ»-ն իր հաճախողներին առաջարկում է լիարժեք թվային փորձառություն. նրանք կարող են առանց բանկ գալու բացել բանկային հաշիվ, ստանալ միջազգային վճարային քարտ եւ հասանելիություն MyAmerica հավելվածին միանգամայն անվճար:

«Այս արժավորյալը մարդկանց մոտ օնլայն վարքագիծ ձեւավորելուն ուղղվող հերթական քայլն է: Նման արժավորյալ արդյունքում է նաեւ, որ տարեցտարի հաճախողները գնալով ավելի են նախընտրում հաշվի բացման օնլայն տարբերակը: Վերջին 4 տարիների ընթացքում օնլայն բացված հաշիվների թիվն աճել է ավելի քան 7 անգամ: Հավելել, որ օնլայն գործընթացի ընդհանուր տեւողությունը չի գերազանցում 10 րոպեն», - ասում է «Ամերիաբանկ»-ի թվային բանկինգի ծառայության պրոդյուսեր ղեկավար Անի Աբրահամյանը:

Արժավորյալի շրջանակում անցկացվող խաղարկությանը մասնակցելու համար անհրաժեշտ է՝

- բացել հաշիվ օնլայն՝ դառնալով «Ամերիաբանկ»-ի հաճախող,
- ակտիվացնել «Ամերիաբանկ»-ի քարտը

Բացիր օնլայն հաշիվ հասիր, ուր ուզես

AMERIABANK

● մուտք գործել MyAmerica հավելված:

Վիճակախաղին կարող են մասնակցել նաեւ «Ամերիաբանկ»-ի գործող ապառիկ ֆինանսավորում ունեցող ոչ հաշվետեղ հաճախողները, որոնք հաշվի բացումը, քարտի պատվիրումն ու MyAmerica հավելվածի ակտիվացումը, բացի օնլայն տարբերակից, կարող են կատարել նաեւ «Ամերիաբանկ»-ի ցանկացած մասնաճյուղում:

«Ամերիաբանկ» ՓԲԸ

«Ամերիաբանկ»-ը ֆինանսական եւ տեխնոլոգիական առաջատար հաստատություն է, ՀՀ տնտեսական ոլորտի նշանակալի դերակատարներից մեկը, որի ակտիվները գերազանցում են 1 տրիլիոն ՀՀ դրամը: Ընթացող թվայնացման ճանապարհով՝ բանկը ներդրել է մի շարք նորարար ծրագրեր ու հարթակներ եւ շարունակում է կատարելագործել

դրանք՝ ձեւավորելով մարդու տարատեսակ կարիքների բավարարման ուղղված, դիմափոխ զարգացող ֆինանսատեխնոլոգիական միջավայր:

«Ամերիա»-ն առաջինը Հայաստանում ստեղծել է էլեկտրոնային ՓՄՁ-ների եւ անհատների համար՝ ապահովելով հասանելիություն բանկային եւ ոչ բանկային մի շարք ծառայությունների մեկ պատուհանի սկզբունքով՝ Estate.ameriabank.am, Automobile.ameriabank.am, Business.ameriabank.am:

Լինելով հաճախողամետ «Ամերիա»-ն ձգտում է ժամանակակից թվային աշխարհում ապահովել սպասարկման բարձր որակ՝ վստահելի եւ անվտանգ միջավայրում առաջարկելով կյանքի որակը բարելավելու ամբողջական լուծումներ:

Բանկը վերահսկվում է ՀՀ կենտրոնական բանկի կողմից:

ԱՌՈՐՅԱ

ԲՈՂՈՔԻ ԱԼԻՔՆ ՈՒ ԳՅՈՒՂԱՊԵՏԻ ՏՂԱՆ

«Ժողովուրդ» օրաթերթի տեղեկություններով՝ Ախուրյան համայնքում բողոքի ակից է հասունանում համայնքի ղեկավար Արծրուն Իգիթյանի դեմ: Բողոքի հիմքում համայնքի հակակարկտային կայանների (գազագեներատորային կայանների) սպասարկումն է, որը, ըստ շրջանառվող լուրերի, իրականացնում է Արծրուն Իգիթյանի որդին: Վերջինիս ոչ պատշաճ սպասարկման արդյունքում չեն փոխվել գազաբալոնները, եւ վերջին ժամանակահատվածում պարբերաբար տեղացող անձրեւների եւ կարկուտների ժամանակ դրանք չեն գործել, ինչի հետեւանքով Ախուրյան, Ագատան, Այգաբաց, Գեռք, Երազգավորս գյուղերում վնասվել է բերքի մոտ 40-60 տոկոսը:

Կարկուտից տուժած գյուղացիները պատրաստվում են բողոքի դուրս գալ

ԱՌՈՐՅԱ

ԳՈՐԾՈՂ ԿԱՄԱՅՆՔԻ ՂԵԿԱՎԱՐ ԱՐԾՐՈՒՆ ԻԳԻԹՅԱՆԻ ՂԵՄ, ՆԵՐԿԱՅԱԳՆԵԼ ԻՐԵՆԳ ՎԼԱՍՆԵՐՆ ՈՒ ԿԱԽԱՆՋՆԵՐԸ

ՔՆՍՐ ՄԱՆՈՒԿՅԱՆ

ԲՈՂՈՔՆԵՐ՝ Wildberries-ԻՑ

«Ժողովուրդ» օրաթերթը բազմաթիվ ահազանգեր է ստանում քաղաքացիներից ռուսական Wildberries ընկերության վերաբերյալ: Մեզ ահազանգած քաղաքացիները դժգոհում են, որ ընկերությունն անհասկանալի պատճառներով Հայաստանի քաղաքացիների համար փակել է կոսմետիկայի խանութների, հագուստի բրենդների արտոնյուլները, ու վերջիններս չեն կարողանում իրենց ցանկալի գնումները կատարել:

Ավելին՝ քաղաքացիները նաեւ դժգոհեցին, որ Wildberries օնլայն առետրային ցանցից հնարավոր է ավելի մատչելի գնումներ կատարել՝ փոխելով Հայաստանի

առաջնային հասցեն Ռուսաստանի առաջնային հասցեով, որի մասին, սակայն, քաղաքացիներից ոչ բոլորն են տեղեկացված, ոչ բոլոր համակարգերին են հասանելի, եւ ոչ բոլորն են կարողանում օգտվել:

Նշենք, որ քաղաքացիների ահազանգերի շուրջ «Ժողովուրդ» օրաթերթը հարցում է ուղարկել ռուսական Wildberries ընկերությանը պարզաբանում ստանալու համար:

Հիշեցնենք, որ ավելի վաղ գրել էինք, որ ընկերությունը պարբերաբար թանկացնում է գնված ապրանքի վերադարձի գումարը: Այժմ նախկին 450-դրամը դարձել է 850 դրամ: Քաղաքացիներին զայրացրել է նաեւ այն հանգամանքը, որ երեխաների համար նախատեսված կաշաները, նպարեղենը չեն կարողանում հատուկ գնել, քանի որ Wildberries-ը փոխել է գնման ձեւը. այն այսուհետ պետք է գնել որոշակի քանակով, ինչը մեծ անհարմարություններ է պատճառել եւ վրդովմունք առաջացրել քաղաքացիների շրջանում:

ԼԻՂԱ ԵՐԻՍՏՅԱՆ

● «Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՀԱՇՎԵՏՎՈՒԹՅՈՒՆ

ՏԱՐԵՎԵՐՔՅԱՆ ՀԱՄԵՐԳ-ՑՈՒՑԱՀԱՆԴԵՍ

ՀՀ կրթության, գիտության, մշակույթի և սպորտի նախարարության աջակցությամբ Մշակութային կրթության աջակցության հիմնադրամը Հայաստանի դեսական ֆիլհարմոնիայի «Առնո Բաբաջանյան» համերգասրահում իրականացրել է հազվեսու համերգ-ցուցահանդես: Միջոցառման մասնակիցներն էին ՀՀ մարզերի երաժշտական, գեղարվեստի, արվեստի դպրոցների շրջանակի սաները:



«Առնո Բաբաջանյան» համերգասրահի նախարարահում բացվել է սաների նկարչական և դեկորատիվ-կիրառական աշխատանքների ցուցահանդեսը, այնուհետև շնորհալի երաժիշտ-կատարողները հանդես են եկել համերգային ծրագրով:

Մշակութային կրթության աջակցության հիմնադրամի ղեկավար Նելլի Սարգսյանը շնորհավորել է դպրոցների սաներին տարեվերջյան ցուցահանդեսի և համերգային ծրագրի ներկայացման կապակցությամբ և նշել է, որ եթե անգամ երեխաները հետագայում երաժշտարվեստի, նկարչական, դեկորատիվ-կիրառական արվեստի ճյուղերը չընտրեն որպես մասնագիտություն, գեղարվեստական կրթության շնորհիվ նրանք մեծանում են արժանապատիվ և կիրթ քաղաքացիներ:

Տարեվերջյան հաշվետու ցուցահանդեսին և համերգին մասնակցել են 10 մարզի 22 երաժշտական դպրոցների և 12 գեղարվեստի, արվեստի դպրոցների սաներ: Ընդհանուր առմամբ, համերգին մասնակցել են շուրջ 160 աշակերտներ: Ներկայացված են երաժշտարվեստի բոլոր բաժինները՝ լարային, փողային, հարվածային, դաշնամուրային, վոկալ, երգչախմբային, կամերային, ինչպես նաև բոլոր գործիքները՝ ֆագոտ, շեփոր, կլարնետ, քանոն, սանթուր և այլն: Ցուցահանդեսին ներկայացվել է ավելի քան 80 ստեղծագործական աշխատանք՝ նկարչական, դեկորատիվ-կիրառական, գործեր, աստղագործություն, քանդակ:

«Կարելոր է մանկավարժների դերը, որոնք տարվա ընթացքում կատարել են անգնահատելի աշխատանք: Շատ կարևոր է Մշակութային կրթության աջակցության հիմնադրամի մեթոդիստների մասնակցությունը այս գործընթացին: Մանկավարժ-մեթոդիստները մանկավարժներին հետևողական մասնագիտական օժանդակություն ցուցաբերելու միջոցով օգնում են զարգացնելու երեխաների շնորհները իրենց ընտրած երաժշտական և արվեստի ճյուղերում: 2023 թվականի 1-ին կիսամյակում հիմնադրամի «Երաժշտական և արվեստի դպրոցներում ուսումնամեթոդական աշխատանքներ» ծրագրի շրջանակում մեթոդիստ-մանկավարժները, ինչպես նաև 33 բարձրագույն, միջին մասնագիտական և արտադպրոցական ուսումնական հաստատությունների առաջատար իրավիրյալ մասնագետները 33 մարզերի և Երևան քաղաքի երաժշտական, արվեստի, գեղարվեստի և պարարվեստի դպրոցներում իրականացրել են ուսումնամեթոդական և գործնական օգնություն՝ 600 դասատուների և 2530 աշակերտների համար»,- նշել է Մշակութային կրթության աջակցության հիմնադրամի ղեկավար Նելլի Սարգսյանը:

Նշենք, որ միջոցառումը միտված է գեղարվեստական կրթության և գեղագիտական դաստիարակության բնագավառի հանրահռչակմանը, 33 մարզերում մշակութային կյանքի աշխուժացմանը, երեխաների և պատանիների ստեղծագործական ներուժի բացահայտմանը, մայրաքաղաք-մարզեր կապի ամրապնդմանը:

ՄԱՐԶԱԿԱՆ

ՀԱՆԴԻՊՈՒՄ ՄԵՍԻԻ ՀԵՏ

Իսպանիայի չեմպիոն «Բարսելոնա-յի» նախագահ Ժան Լապորտան խոստացել է, որ ակումբը իրաժեշտի հանդիպում կկազմակերպի թիմի նախկին խաղացող, աշխարհի չեմպիոն Արգենտինայի հավաքականի հարձակվող Լինել Մեսիի համար:

«Մեսին ցանկանում էր վերադառնալ «Բարսելոնա»: Նա շատ ծանր փուլ էր ունեցել Փարիզում, և նրա հայրն ասաց, որ Լեոն չի ցանկանում դարձյալ նման ճնշման տակ ընկնել: Մենք հարգում ենք Մեսիի որոշումը: «Բարսելոնան» միշտ կլինի նրա տունը:

Ցավում եմ, որ ամեն ինչ այսպես դասավորվեց, բայց ակումբի նախագահի համար առաջին տեղում «Բարսելոնան» է:

Ես քննարկել եմ Մեսիի հետ միջոցառումը, որի ժամանակ հնարավոր կլինի հարգանքի տուրք մատուցել նրան: Վերականգնումից հետո «Կամպ Նոու» ստադիոնի բացումը իրաշալի առիթ կլինի»,- Լապորտայի խոսքը մեջբերում է Mundo Deportivo-ն:

Մեսին կարիերան կշարունակի ամերիկյան «Ինտեր Մայամիում»:

ԳԺԳՈՂ ԱՐՔԱՅԱԿԱՆ ԱԿՈՒՄԲԻՑ

Մադրիդի «Ռեալի» իտալացի գլխավոր մարզիչ Կառլո Անչելոտին դժգոհ է Արքայական ակումբի տրանսֆերային քաղաքականությունից. հաղորդում է The Athletic-ը:

Ֆրանսիացի հարձակվող Քարիմ Բենզեմայի հեռանալուց հետո Անչելոտին ակումբի ղեկավարությանը խնդրել էր ձեռք բերել կենտրոնական հարձակվողի՝ մատնանշելով Լոնդոնի «Տոտենհեմի» և Անգլիայի հավաքականի խաղացող 3արի Բեյլին:

«Ռեալի» նախագահ Ֆլորենտինո Պերեսը հարձակման գծի համար դիտարկում է միայն Ֆրանսիայի չեմպիոն ՊՍԺ-ի և Ֆրանսիայի հավաքականի առաջատար Կիլիան Մբայեթին, սակայն քիչ հավանական է, որ այդ տեղափոխությունը տեղի կունենա այս ամռանը:

Իսպանիայի ավարտված առաջնությունում «Ռեալը» գրավել է երկրորդ տեղը՝ առաջ թողնելով «Բարսելոնային», Չեմպիոնների լիգայի կիսաեզրափակիչում պարտվել է անգլիական «Մանչեսթեր Սիթիին»:

Միջազգային

ՄԱՂՈՆՆԱՆ ԳԱՄՎԵԼ Է ԱՆԿՈՂՆՈՒՆ

64-ամյա ամերիկացի երգչուհի Մադոննան, որը բազմաթիվ վարակի դասճառով բուժվելուց հետո դուրս է գրվել հիվանդանոցից, իրեն դեռ վաս է զգում և վեր չի կենում անկողնուց. այս մասին գրում է TMZ-ը՝ հղում անելով աղբյուրներին:



Հրատարակության գրուցակիցների խոսքով՝ Մադոննան դեռ պառկած է անկողնում Նյու Յորքի իր բնակարանում, իսկ նրա շրջապատում կարծում են, որ երգչուհին «համաշխարհային շրջագայությունն սկսելու համար բավարար մարզավիճակում չէ»:

TMZ-ի աղբյուրները նաև նշել են, որ երգչուհին տառապում է սրտխառնոցի նոպաներից, վարակը դեռևս հարվածում է նրա առողջությանը:

Հիշեցնենք, որ հունիսի 28-ին Մադոննայի մենեջեր Գայ Օգրին հայտնել էր, որ հունիսի 24-ին նրա մոտ բակտերիալ վարակ է սկսվել: Երգչուհին մի քանի օր անցկացրել է հիվանդանոցի վերակենդանացման բաժանմունքում: Երգչուհին մոտ մեկ ամիս ջերմություն է ունեցել, սակայն չի համաձայնել հոսպիտալացմանը, քանի որ չի ցանկացել շրջագայությունը հետաձգել ավելի ուշ ժամկետի:

Մադոննայի Celebration համաշխարհային շրջագայությունը, որով նշվելու էր նրա առաջին ալբոմի թողարկման 40-ամյակը, պետք է մեկնարկեր հունիսի 15-ին Վանկուվերում կայանալիք համերգով: Երգչուհին համերգներ էր նախատեսել 43 քաղաքում: Շրջագայությունը պետք է ավարտվեր 2024 թվականի սկզբին:

Մադոննայի Celebration համաշխարհային շրջագայությունը, որով նշվելու էր նրա առաջին ալբոմի թողարկման 40-ամյակը, պետք է մեկնարկեր հունիսի 15-ին Վանկուվերում կայանալիք համերգով: Երգչուհին համերգներ էր նախատեսել 43 քաղաքում: Շրջագայությունը պետք է ավարտվեր 2024 թվականի սկզբին:

● Հուլիսի 2-ին Երևանի 3. Պարոնյանի անվան երաժշտական կոնսերտային պետական թատրոնում տեղի կունենա «Գնա՛ մեռի, արի՛ սիրեն» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՍՅՈՒՆԷ ՀԱՍԲԱՐՁՈՒՄՅԱՆԻ

ՇԻՆՈՒԹՅՈՒՆ

ՀԱՐՑ. Ո՞ր օբյեկտներ ենթակա չեն լիցենզավորման:
Պետրոս Կարապետյան (43 տարեկան)



ՊԱՏԱՍԽԱՆ. «Լիցենզավորման մասին» ՀՀ օրենքով սահմանվել է և լիցենզավորման ենթակա տեսակների ցանկից հանվել են մի շարք օբյեկտների նկատմամբ լիցենզավորված կազմակերպությունների կողմից շինարարությունն իրականացնելու պահանջը, որոնց նկատմամբ կիրառվում է հսկողություն՝ համարելով դրանք չլիցենզավորված գործունեություն:

Այդ օբյեկտներն են բնակավայրերում կառուցվող, 300 քմ ընդհանուր մակերեսը չզերազանցող, մինչև երկու վերգետնայա ու մեկ ստորգետնայա հարկ ունեցող անհատական բնակելի տները, հաստատված բազմակի օգտագործման օրինակելի նախագծերով կառուցվող օբյեկտները, 150 քմ ընդհանուր մակերեսը չզերազանցող օժանդակ շինությունները եւ 50 քմ ընդհանուր մակերեսը չզերազանցող ավտոտնակները, 1000 քմ ընդհանուր մակերեսը չզերազանցող ջերմոցները, 500 քմ ընդհանուր մակերեսը չզերազանցող գյուղատնտեսական արտադրական նշանակության ոչ հիմնական շինությունները եւ 100 քմ ընդհանուր մակերեսը չզերազանցող հասարակական նշանակության ոչ հիմնական շինությունները:

Քաղաքաշինության կոմիտե

«ԺՈՂՈՎՈՒՐԳ». Վերոնշյալ օբյեկտների շինարարական աշխատանքները պետք է կատարվեն տնտեսական եղանակով՝ առանց լիցենզավորված կապալառուի եւ շինարարության որակի տեխնիկական հսկիչի ներգրավման:

ՎԵՐԱՀՅԱԿՈՒՄ

ՀԱՐՑ. Ո՞վ է զբաղվում ոլոխիթիլենային սողալների արգելի վերահսկմամբ:
Տիգրան Ավետիսյան (39 տարեկան)



ՊԱՏԱՍԽԱՆ. 2022 թվականի հունվարի 1-ից ուժի մեջ մտած՝ առևտրի իրականացման վայրերում եւ առևտրի օբյեկտներում մինչև 50 միկրոն խտությամբ պոլիէթիլենային պարկերի եւ տոպրակների վաճառքի եւ իրացման արգելքի դրույթի նկատմամբ Շուկայի վերահսկողության տեսչական մարմինը չի իրականացնում վերահսկողական գործառնություններ:

Շուկայի վերահսկողության տեսչական մարմին

«ԺՈՂՈՎՈՒՐԳ». Վարչական իրավախախտումների վերաբերյալ ՀՀ օրենսգրքի 219-րդ հոդվածի համաձայն՝ արգելվող ապրանքներ վաճառելու (իրացնելու) նկատմամբ վերահսկողությունը վերապահված է տեղական ինքնակառավարման մարմիններին:

ԼՈՒՐ ԿԱԴՐ

Լուսանկարը՝ համացանցից



Երեւանի Աջափնյակ վարչական շրջանում կոտրել են համայնքային գույք հանդիսացող աղբամանները եւ թափոններով շրջապատել տարածքը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



| | | | |
|-----------------------|----------------------|-----------------------|----------------------|
| Շիրակ | +7 + 11 +20 + 24 | Արարատ | +18 + 22 +32 + 34 |
| Կոտայքի լեռներ | +7 + 10 +20 + 23 | Արմավիր | +17 + 19 +32 + 34 |
| Կոտայքի նախալեռներ | +15 + 18 +28 + 30 | Վայոց ձորի լեռներ | + 8 + 10 +20 + 23 |
| Գեղարքունիք | +8 + 11 +19 + 24 | Վայոց ձորի նախալեռներ | +18 + 21 +32 + 34 |
| Լոռի | +9 + 12 +20 + 24 | Սյունիքի հովիտներ | +16 + 21 +32 + 36 |
| Տավուշ | +12 + 16 +23 + 27 | Սյունիքի նախալեռներ | +12 + 14 +24 + 26 |
| Արագածոտնի լեռներ | +6 + 10 +20 + 22 | ԼՂՀ | +16 + 20 +30 + 35 |
| Արագածոտնի նախալեռներ | +14 + 16 +27 + 31 | Երեւան | +17 + 19 +30 + 31 |

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 30.6.2023
Պատկերը՝ Գեղարքունիքի մարզի ք. Վարդգես, 4 հարկանոցից 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: